



12. juli 2017

Inatsisartut Suleriaasianni § 37 naapertorlugu Naalakkersuisunut apeqqutit imaattut matumuuna saqqummiuppakka:

Naalakkersuisunut apeqqutit immuup sukkuunik laktosemik sapingaqarnek pillugu:

1. Iisimaneqarnerluni nunatsinni qassit immuup sukkanik laktosimik sapingaqarnersut? Taamaangippat; Naalakkersuisut suliniutigerusussinnaanerlugu tamatuma misissorneqarnissaata aallartinneqarnissaa?

2. Peqqinnissaqarfik ullumikkut qanoq iliortarpa immuup sukkuunik sapingaqarnek pitsaaliorniarlugu katsorsarsinnaanarlugulu aamma taamatut nappaateqarnermut tunngatillugu suliniutit suut pilersaarutigineqarpat?

3. Inunnut ataasiakkaanut akisuupilussuuvoq immuup sukkuunik sapingaqarnek. Naalakkersuisut qanoq iliorsinnaappat immuup sukkuunik laktosemik sapingaqartut innuttaasut akikinnerusunik nakorsaateqalersinniarlugit?

4. Alla assersuutaasinnaasoq immuup sukkuunik sapingaqarnerup akisuneranut, tassaavoq tunisassiat immuup sukkuunik laktosemik akoqanngitsut akisunerujussuusarmata tunisassianut immuup sukkuunik laktosimik akulinnut naleqqiullugit. Naalakkersuisut pilersaaruteqarnerlutik tamanna iliuuseqarfigissallugu, assersuutigalugu tunisassiat allallu assigusut immuup sukkuunik laktosemik akoqanngitsut akitsuutaannik appaaneq aqcutigalugu?

(Inatsisartunut ilaasortaq Randi Vestergaard Evaldsen, Demokraatit)

Tunngavilersuut

Immuup sukkuunik sapingaqarnek pissuteqarpoq inalukkani enzymimik laktasemik amingaateqarnermik. Naliginnaasumik laktasep immuup sukkuua (laktose) aggulullugu nerisarpaa, timimik suliarineqarsinnaanngorlugu kisianni enzyme amingaataappat immuup sukkuua nerineqarsinnaanngilaq inalukkaniiginnartarlunilu, tassani silaannanitsitsisarpoq naakkut anniartitsilluni, naarlutsitsilluni pullatsitsillunilu.

Nappaat paasineqartarpoq aap sukkuunik uuttortaanikkut, immuup sukkuata imermut arrortitap iminnginnerani imereerneranilu. Immuup sukkuunik sapingaqarnerit amerlanerpaartaat inuup sananeqaataanik pissuteqartarput, taamaattumik naliginnaasumik aaviinikkut takuneqarsinnaavoq inuk kinaluunniit immuup sukkuunik sapingaqarnersoq sapingaqannginnersorluunniit.

Ajornanngilaq annerpaatigut naliginnaasumik inuusoqarsinnaanera immuup sukkuunik



sapingaaraanni,ksianni soorunami taava immuup sukkuua pinngitsoorniartariaqarpoq taamatullu aamma periarfissaasariaqarpoq immuup sukkuata arortinnissaanut nakorsaammik pisisinnaanissaq, inuup timaata nammineq tamanna sapissagaluarpagu.

Tunisassiat immuup sukkuuanik akoqanngitsut iisartakkallu nunatsinni akisunipilussuupput nunanut allanut naleqqiullugit. Tamatuma saniatigut aamma tunisassiat immuup sukkuuanik akoqanngitsut allanut tunisassianut immuup sukkuuanik akulinnut naleqqiullugit akisunipilussuupput.

Taamaattumik soqutigaara paasissallugu Naalackersuisut qanoq iliuuseqarnersut imaluunniit siunissami iliuuseqassamaarnersut innuttaasut immuup sukkuuanik sapingaartut oqinnerusumik inuuneqalersinnaaqqullugit.

Apeqqutit akeqquakka ullut suliffiit naloginnaasut qulit iluanni.